

ზოგადსაგანმანათლებლო დაწესებულებების ავტორიზაციის საბჭოს

სხდომის ოქმი № 11

ქ. თბილისი

22.08.2019

ზოგადსაგანმანათლებლო დაწესებულებების ავტორიზაციის საბჭოს სხდომას ესწრებოდნენ:

1. ზოგადსაგანმანათლებლო დაწესებულებების ავტორიზაციის საბჭოს (შემდგომში - საბჭო) წევრები:
 1. დავით მალაზონია - შპს „თანამედროვე განათლების აკადემიის“ მასწავლებელი, საბჭოს თავმჯდომარე;
 2. გიორგი გიგიბერია - ა(ა)იპ - ფონდ საერთაშორისო განათლების ცენტრის პროგრამების მენეჯერი, საბჭოს თავმჯდომარის მოადგილე;
 3. თამილა ჩუბინიძე - სსიპ - ალექსანდრე ცინცაძის სახელობის ქალაქ თბილისის N150 საჯარო სკოლის დირექტორის მოადგილე, მასწავლებელი, საბჭოს მდივანი;
 4. მაკა მამფორია - შპს „ლამარა მარგველაშვილის სახელობის სკოლა XXI საუკუნის“ მასწავლებელი;
 5. დავით ჭეიშვილი - სსიპ - ვაჟა ფშაველას სახელობის ქალაქ თბილისის N 87 საჯარო სკოლის დირექტორი;
 6. გელა მაჭარაშვილი - სსიპ საჩხერის მუნიციპალიტეტის სოფელ კორბოულის N 2 საჯარო სკოლის დირექტორი;
 7. თამარ მამსიკაშვილი - სსიპ თბილისის N 64 საჯარო სკოლის დირექტორი;
 8. ნინო ჯანჯღავა - ა(ა)იპ წმინდა ალექსი შუმანიას სახელობის მართლმადიდებლური სკოლა - გიმნაზიის დირექტორი;
 9. ავთანდილ აბდუშელიშვილი - შპს „დამოუკიდებელი საერო გიმნაზია შავნაბადას“ დირექტორი.

2. სსიპ - განათლების ხარისხის განვითარების ეროვნული ცენტრის (შემდგომში - ცენტრი)
წარმომადგენლები:

ნინო ჟვანია - ზოგადი განათლების ხარისხის უზრუნველყოფის სამსახურის უფროსის მოვალეობის შემსრულებელი;

ლალი შაიშმელაშვილი - ზოგადი განათლების ხარისხის უზრუნველყოფის სამსახურის კონსულტანტი;

ნათია მჭედლიძე - ზოგადი განათლების ხარისხის უზრუნველყოფის სამსახურის ანალიტიკოსი;

მზია ყანჩელი - ზოგადი განათლების ხარისხის უზრუნველყოფის სამსახურის სპეციალისტი.

3. ზოგადსაგანმანათლებლო დაწესებულებების წარმომადგენლები:

ა(ა)იპ წმინდა ანდრია პირველწოდებულის სახელობის ჭიათურის მართლმადიდებლური
სკოლა

სკოლის წარმომადგენელი - ნანული წერეთელი - სკოლის დირექტორი

სკოლის წარმომადგენელი - იამზე მარუაშვილი - სკოლის სასწავლო ნაწილი

შპს წმინდა გიორგის სახელობის საერთაშორისო სკოლა

სკოლის წარმომადგენელი - გრიგოლ ბულია - აკადემიური დირექტორი

სკოლის წარმომადგენელი - მაკა მახარობლიძე - სკოლის დირექტორი

4. ზოგადსაგანმანათლებლო დაწესებულების ავტორიზაციის ექსპერტები (შემდგომში-
ექსპერტები):

დავით ლიპარტელიანი

სალომე ცანავა

ქეთევან ბოტკოველი

მარინა სეხნიაშვილი

საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ 22-ე მუხლის მე-4 პუნქტის შესაბამისად ზოგადსაგანმანათლებლო დაწესებულებების ავტორიზაციის საბჭოს სხდომას წარუძღვა საბჭოს თავმჯდომარე დავით მალაზონია.

სხდომა გაიხსნა 15:00 საათზე. საბჭოს თავმჯდომარემ შეამოწმა საბჭოს წევრთა რაოდენობა და დაადგინა, რომ საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ 22-ე მუხლის მე-5 პუნქტის შესაბამისად, სხდომა უფლებამოსილია, რადგან ესწრება საბჭოს წევრთა სიითი შემადგენლობის ნახევარზე მეტი.

საბჭოს თავმჯდომარემ საბჭოს წევრებს მიუთითა დებულების 24-ე მუხლის მე-2 პუნქტის მოთხოვნაზე, რომლის მიხედვითაც, საბჭოს წევრი არ არის უფლებამოსილი თავი შეიკავოს ხმის მიცემისაგან.

სხდომის თავმჯდომარემ საბჭოს წევრებს გააცნო დღის წესრიგი:

1. ა(ა)იპ წმინდა ანდრია პირველწოდებულის სახელობის ჭიათურის მართლმადიდებლური სკოლის მოსწავლეთა ადგილების ზღვრული რაოდენობის გაზრდის საკითხის განხილვა
2. შპს წმინდა გიორგის სახელობის საერთაშორისო სკოლის მოსწავლეთა ადგილების ზღვრული რაოდენობის გაზრდის საკითხის განხილვა

საბჭოს თავმჯდომარემ საბჭოს წევრებს, ცენტრის წარმომადგენლებსა და დაინტერესებულ მხარეებს მიმართა, დღის წესრიგთან დაკავშირებით ხომ არ ჰქონდათ რაიმე შუამდგომლობა. შუამდგომლობა არ ყოფილა წარმოდგენილი. საბჭომ ერთხმად დაამტკიცა სხდომის დღის წესრიგი.



1. ა(ა)იპ წმინდა ანდრია პირველწოდებულის სახელობის ჭიათურის მართლმადიდებლური სკოლის მოსწავლეთა ადგილების ზღვრული რაოდენობის გაზრდის საკითხის განხილვა

საბჭოს თავმჯდომარემ დაწესებულების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ.

საბჭოს თავმჯდომარემ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას. საბჭოს წევრებმა დაადასტურეს, რომ იცნობდნენ საქმის მასალებს. საბჭოს თავმჯდომარემ ჰკითხა დაინტერესებული მხარის წარმომადგენელს, იცნობდა, თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, საბჭოს თავმჯდომარემ სხდომის მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

ექსპერტთა ჯგუფის დასკვნა საბჭოს სხდომაზე წარადგინეს ექსპერტებმა, დავით ლიპარტელიანმა და სალომე ცანავამ. მათ აღწერეს ვიზიტის შედეგები და დასკვნები სტანდარტების შესაბამისად.

1.1. ექსპერტმა, დავით ლიპარტელიანმა, საბჭოს გააცნო ის ძირითადი მიგნებები, რომლებიც ვიზიტის დროს გამოიკვეთა. ექსპერტის თქმით, ვიზიტის დროს, ბრძანების მიხედვით, შემოწმდა მატერიალური და ადამიანური რესურსების სტანდარტები, პროგრამული ნაწილის გათვალისწინებით, აღნიშნა, რომ ა(ა)იპ წმინდა ანდრია პირველწოდებულის სახელობის ჭიათურის მართლმადიდებლური სკოლა განთავსებული იყო ქ. ჭიათურაში არსებულ ორ მისამართზე: ერისთავის ქ. N1 და ტოლსტოის ქ. N1. საჯარო რეესტრის ამონაწერის მიხედვით ერისთავის N1-ში მდებარე შენობა გადაცემული ჰქონდა ა(ა)იპ „წმინდა ანდრია პირველწოდებულის სახელობის ჭიათურის პროფესიული სწავლების ცენტრს“. თუმცა აღნიშნული დაწესებულების და ა(ა)იპ - წმინდა ანდრია პირველწოდებულის სახელობის ჭიათურის მართლმადიდებლური სკოლის საიდენტიფიკაციო კოდი ერთმანეთს ემთხვეოდა (215613361).

ერისთავის N1-ში არსებული ფართი წარმოადგენს 1684.00 კვ.მ ფართობზე

განთავსებულ 3 სართულიან ცალკე მდგომ შენობას საერთო ფართით 1570.35 კვ.მ (სარდაფი - 195.35 კვ. მ, I სართული - 644.2 კვ. მ, II სართული - 649.7 კვ. მ, III სართული - 81.1 კვ. მ). შენობაში არის 14 საკლასო ოთახი.

შენობის პირველ სართულზე განთავსებული იყო: სატრაპეზო, სამზარეულო, ექიმის ოთახი, სამასწავლებლო, დირექტრის, მისი მოადგილის, ბუღალტერის, საქმეთა მმართველის და დარაჯის ოთახები, ასევე ბიბლიოთეკა და ხელოვნების ოთახი. ამავე სართულზე იყო 6 საკლასო ოთახი.

მეორე სართულზე განთავსებული იყო: ლაბორატორია, სამეურნეო ნაწილისა და მოძღვრის ოთახები. ასევე 8 საკლასო ოთახი, მესამე სართულზე იყო სამლოცველო.

ტოლსტოის N1 მისამართზე არსებული შენობის 1806.0 კვ. მ ფართიდან, 1019.65 კვ. მ ფართი ეკუთვნოდა სკოლას (სარდაფი - 66.93 კვ. მ, პირველი სართული - 133.4 კვ. მ, მეორე სართული - 292.60 კვ. მ, მესამე სართული 526.71კვ.მ). აღნიშნულ შენობას ჰქონდა მთავარი შესასვლელი, რომლითაც ასევე სარგებლობდნენ ამავე შენობის პირველ და მეორე სართულზე არსებული ჭიათურის საგანმანათლებლო რესურსცენტრისა და პროფკავშირების თანამშრომლები. მთავარი შესასვლელის მოპირდაპირე მხარეს, ვიზიტის პროცესში მიმდინარეობდა სკოლისთვის იზოლირებული შესასვლელის მოწყობა. სკოლა განთავსებული იყო აღნიშნული შენობის მე-2 და მე-3 სართულებზე. ამავე შენობის პირველ სართულზეა სპორტული დარბაზი. დაწყებითი (I-IV) კლასებისთვის განკუთვნილ შენობაში იყო 10 საკლასო ოთახი. მეორე სართულზე - ექთნის ოთახი, ხოლო მესამე სართულზე ბიბლიოთეკა, სამასწავლებლო, სატრაპეზო და სამზარეულო. შენობის ორივე სართულზე არის სველი წერტილები, მათ შორის ეტლით მოსარგებლე პირებისთვის.

დაწესებულების ხელმძღვანელის, ნაწილი წერეთლის, განცხადებით, სკოლა ადრე იყო პროფესიული სასწავლებელი და რეესტრშიც ძველი მონაცემებია დაფიქსირებული. დაწესებულების ხელმძღვანელმა ავტორიზაციის საბჭოს სხდომაზე წარმოადგინა განხორციელებული ცვლილების დამადასტურებელი დოკუმენტაცია, რომელშიც ასახული იყო დაწესებულების სახელის ცვლილება.

ექსპერტ დავით ლიპარტელიანის განცხადებით, სკოლის ორივე შენობაში ერთად იყო 24 საკლასო ოთახი, მათში განთავსებული იყო 342 ინდივიდუალური და 18 ორადგილიანი მერხი, შესაბამისი რაოდენობის სკამით. სხდომის მსვლელობის დროს, სკოლის სასწავლო

ნაწილმა, საბჭოს თავმჯდომარეს გადასცა დამატებით, 20 ცალი მერხის მიღება-ჩაბარების დამადასტურებელი დოკუმენტი.

ექსპერტმა ასევე აღნიშნა, რომ სკოლის ორივე შენობაში ფუნქციონირებდა ბიბლიოთეკა, ორივე ბიბლიოთეკის წიგნადი ფონდი ჯამში შეადგენდა 3415 ერთეულს. მათ შორის იყო 2266 გრიფირებული სახელმძღვანელო. სკოლა საკუთარ მოსწავლეებს უზრუნველყოფდა სასკოლო სახელმძღვანელოებით. ბიბლიოთეკაში იყო წიგნების საინვენტარო ჟურნალი, მკითხველთა ბარათები და მკითხველთა აღრიცხვის ჟურნალი, თუმცა, ბიბლიოთეკაში არსებული რამდენიმე სახელმძღვანელო არ იყო დამუშავებული ბიბლიოთეკის სრული წესის დაცვით, ზოგიერთ წიგნზე 1 და 17 გვერდებზე არ იყო დარტყმული სკოლის ბეჭედი და ამასთანავე არ ჰქონდა ჯიბაკები. ამ საკითხზე დაწესებულების ხელმძღვანელმა განცხადა, რომ სკოლამ სახელმძღვანელოები დაგვიანებით მიიღო და სასწავლო პროცესი რომ არ შეჩერებულიყო, მხოლოდ აღრიცხა წიგნები და ისე დაურიგა მოსწავლეებს, ამიტომ მათი სრული წესით დამუშავება ვერ მოესწრო. თუმცა ექსპერტთა ვიზიტის დროსვე აღნიშნული წიგნები სრულად დამუშავდა.

ექსპერტმა ასევე აღნიშნა, რომ პერსონალისა და მოსწავლეთა უსაფრთხოების დაცვის მიზნით დაწესებულებას ჰქონდა 20 ვიდეო კამერა, მათგან 5 ცალი გარე მეთვალყურეობის ხოლო 15 - შიდა მეთვალყურეობის. შიდა კამერებიდან 2 განთავსებული იყო კომპიუტერულ ლაბორატორიაში, ხოლო დანარჩენები განაწილებული იყო სკოლის შენობების ყველა სართულზე ისე, რომ შესაძლებელი იყო სკოლის ორივე შენობაში შიდა პერიმეტრის (დერეფნების და ფოიეს) გაკონტროლება. ტოლსტოის N1-ში არსებულ მისამართზე, ცენტრალურ შესასვლელში განთავსებული იყო 1 გარე კამერა, თუმცა ამავე შენობის პირველ სართულზე, განთავსებული იყო კიდევ ერთი კამერა, რომელიც აკონტროლებდა ცენტრალურ შემოსასვლელს.

დაწესებულების ხელმძღვანელის განცხადებით, აღნიშნული კამერა გადმოიტანეს გარე ფასადზე და ცენტრალურ შესასვლელზე განთავსდა 2 გარე კამერა, ასევე სკოლამ დაამონტაჟა კიდევ ერთი გარე კამერა სათადარიგო შესასვლელთან.

საბჭოს თავმჯდომარემ შეკითხვით მიმართა სკოლის წარმომადგენელს, რამდენი მოსწავლე ირიცხებოდა იმ დროისთვის სკოლაში და რამდენით უნდოდათ კონტიგენტის გაზრდა?

სკოლის წარმომადგენელმა უპასუხა, რომ დაწესებულებას მოსწავლეთა ზღვრული რაოდენობა, ავტორიზაციის მიხედვით, განსაზღვრული ჰქონდა 300-ით და ითხოვდნენ კიდევ 80 მოსწავლის დამატებას.

საბჭოს თავმჯდომარემ ექსპერტებს მიმართა, ადასტურებდნენ, თუ არა რომ სკოლა შეძლებდა აღნიშნულ პირობებში მოსწავლისთვის სრულფასოვანი მომსახურების გაწევას, ექსპერტებმა განაცხადეს, რომ სკოლას შეეძლო ზემოთ ხსენებულ პირობებში სწავლების განხორციელება.

საბჭოს თავმჯდომარემ საბჭოს წევრებს მიმართა, ხომ არ ჰქონდათ კითხვები ა(ა)იპ წმინდა ანდრია პირველწოდებულის სახელობის ჭიათურის მართლმადიდებლურ სკოლასთან დაკავშირებით. საბჭოს წევრებმა განაცხადეს, რომ კითხვები არ ჰქონდათ.

საბჭოს თავმჯდომარემ კენჭისყრაზე დააყენა ა(ა)იპ წმინდა ანდრია პირველწოდებულის სახელობის ჭიათურის მართლმადიდებლური სკოლის მოსწავლეთა ადგილების ზღვრული რაოდენობის 380 - ით განსაზღვრის საკითხი.

კენჭისყრის შედეგები:

მომხრე - 9

წინააღმდეგი - 0

გადაწყვეტილება:

დაწესებულების მიერ მოსწავლეთა ადგილების ზღვრული რაოდენობის გაზრდის შესახებ განაცხადში ასახული ინფორმაციის, ავტორიზაციის ექსპერტთა ჯგუფის დასკვნისა და ზოგადსაგანმანათლებლო დაწესებულებების ავტორიზაციის საბჭოს სხდომაზე დაფიქსირებული პოზიციის შესწავლის, შეფასებისა და ურთიერთშეჯერების საფუძველზე, საქართველოს განათლებისა და მეცნიერების მინისტრის 2010 წლის 1 ოქტომბრის N 99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ 33 - ე მუხლის პირველი და მეორე პუნქტის „ბ“ ქვეპუნქტის, 33¹ მუხლის მესამე პუნქტისა და 34 - ე მუხლის მეცხრე პუნქტის შესაბამისად, ა(ა)იპ წმინდა ანდრია პირველწოდებულის სახელობის ჭიათურის მართლმადიდებლურ სკოლას (ს/კ215613361) მოსწავლეთა ადგილების ზღვრული რაოდენობა განესაზღვროს 380 - ით.

2. შპს წმინდა გიორგის სახელობის საერთაშორისო სკოლის მოსწავლეთა ადგილების ზღვრული რაოდენობის გაზრდის საკითხის განხილვა

საბჭოს თავმჯდომარემ დაწესებულების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ.

საბჭოს თავმჯდომარემ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას. საბჭოს წევრებმა დაადასტურეს, რომ იცნობდნენ საქმის მასალებს. საბჭოს თავმჯდომარემ ჰკითხა დაინტერესებული მხარის წარმომადგენელს, იცნობდა, თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, საბჭოს თავმჯდომარემ სხდომის მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

ექსპერტთა ჯგუფის დასკვნა საბჭოს სხდომაზე წარადგინეს ექსპერტებმა, ქეთევან ბოტკოველმა და მარინა სეხნიაშვილმა. მათ აღწერეს ვიზიტის შედეგები და დასკვნები სტანდარტების შესაბამისად.

1.1. ექსპერტ ქეთევან ბოტკოველის განცხადებით, შპს „წმინდა გიორგის სახელობის საერთაშორისო სკოლა“ გაფორმებული ჰქონდა ქვეიჯარის ხელშეკრულება შპს „საგანმანათლებლო საქმიანობის ცენტრთან“. ამ ხელშეკრულების თანახმად სკოლა მდებარეობდა ქ. თბილისში ჭავჭავაძის გამზირზე N82 -ში, 23077.00 კვ. მ. მიწის ფართზე განთავსებულ 2 კორპუსში. N2 კორპუსი განთავსებული იყო 7905. კვ. მ-ის 2 ფლიგელიან შენობაში. 1 ფლიგელი 3 სართულიანი იყო, ხოლო მეორე ფლიგელი 4 სართულიანი.

ახალაშენებული N1 კორპუსი, რომლის დამატების გამოც მოითხოვა დაწესებულებამ მოსწავლეთა რაოდენობის გაზრდა, 4 სართულიანი იყო და ჰქონდა ბოლო სართულის სახურავის სრულ ფართზე შემოღობილი ღია ვერანდა.

N2 კორპუსის ფლობა დასტურდებოდა რეესტრის ამონაწერი N882017491511, ხოლო N1 ახლად აშენებული კორპუსი რომლის საერთო ფართი იყო 4800 კვ.მ. ჯერ რეესტრში არ იყო დარეგისტრირებული. საქმე მდგომარეობდა შემდეგში - შენობის პროექტში მცირე ცვლილებების განხორციელების გამო სკოლამ მიმართა თბილისის მერიის არქიტექტურის სამსახურს და მისგან მიიღო თანხმობა პროექტის ცვლილებასთან დაკავშირებით. თავის მხრივ, არქიტექტურის სამსახურმა მოთხოვნა გაუგზავნა მერიის ზედამხედველობის სამსახურს, შენობის ექსპლუატაციაში მიღებასთან დაკავშირებით. სკოლა ელოდებოდა მერიისგან თანხმობას.

საბჭოს თავმჯდომარემ წინადადებით მიმართა საბჭოს წევრებს, გადაედოთ შპს წმინდა გიორგის სახელობის საერთაშორისო სკოლის მოსწავლეთა ადგილების ზღვრული რაოდენობის გაზრდის საკითხის განხილვა დაწესებულების მიერ მერიის ზედამხედველობის სამსახურიდან მიღებული

პასუხის წარმოდგენამდე, მიმდინარე ადმინისტრაციული წარმოებისთვის განსაზღვრული ვადების ფარგლებში.

საბჭოს თავმჯდომარემ კენჭისყრაზე დააყენა შპს წმინდა გიორგის სახელობის საერთაშორისო სკოლის მოსწავლეთა ადგილების ზღვრული რაოდენობის საკითხის განხილვის გადადება.

კენჭისყრის შედეგები:

მომხრე - 9

წინააღმდეგი - 0

სხდომა დასრულდა 17:30 საათზე.

თავმჯდომარე

დავით მალაზონია



მდივანი

თამილა ჩუბინიძე

